


www.BibleForChildren.org

Matiyo 1




Patsrujire ksuru chininri Goyakalu yokanatlu
gitowreru Kawrili. Satu pokchi Nasare
giwakatletachri, Kalilesreta, yokanatlu. Makloji jeji
metkatowa yegi yokanatlu. Satu jeji gipiratanrotka,
Gosi giwakatletachri, Tawiklopisha. Wala makloji
giwaka Mariyni.



Giyagni wa Goyakalutowreru wane
chinro, "Mariya, gi pikanu. Gi rixanu
Goyakalu gimutat kayi. Xani
pmushiwatanu. Pushpaakakanru
puturu. Pgiwakatanru Geso.
Tyepni wa tsru. Teno potu
Gajeru Wgene chinko.
Gitsrukaachi Goyakalu
genekanru rutsrukatni Tawi
pogirewatyawaka. Gakowniklopishane
yegi pogirewgognenatini.
Pogirewatyawaka gike

rixiniko nikawnanu."



Giyagni Mariya wane chinru
Goyakalutowreru, "¿Gi rixpokotanu
wa tye? Gi rixanu gi jeji numatawa."

Goyakalutowreru gigita. Wane
chinro, "Giwekikaluru Kpashiri
ginyegitanyi. Teno potu

Gajeru giyakle
chikletyegitanyi.

Giyagkoxni
kpashiripni
gishpakachripa
wane chinko

Goyakalu
Wgene."




Walegognekaka tpalnamta Mariya.
Kmagkatewaka tya. Teyakawamta.
Gotechijne gajeru pokchi tya. Sakariyapji
tjiglokamta. Taluklo
Gilisaweti. Wane tixatka.
Wa Gilisaweti yijnaka
galukletinitkalo wa
Mariya, wa mturu
tonanwaka gajeru
ruptekapa. Wa
Gilisaweti
Giwekikaluru Kpashiri
gwagajitanro potu
gixachrotkani. Tsru

saple tixa.




Wane china sapleta,
"Giglenshinikanyegitkaluryi
pixje suxonyegiya.
Giglenshinikanyegitkaluru
punanwaka
gishpakyachripa."



Wane rixa gishpakleta Geso Kristo. Wa runro Mariya,
Gosi galuka gnunrotletinitkalo
mawakanuwalo, tetkatka
kamshiro tixinritka
Giwekikaluru Kpashiri
chinanu. Ga wa
tganurupa Gosi, gi
rixanu
poyagkakachrini gi
raluka pogitlepiranatlo,
rushinika giknoklemtlo
pochkeruko.



Yanshinikanyeginatinri, Gitsrukaachitowreru
gipgujewnayegitlu rupnawleya. Wane chinru, "Gosi,
Tawiklopisha, gi pika gwaletanro
pganunropa Mariya. Gi rixanu wala
gwiychri Giwekikaluru Kpashiri
chinanni. Tushpakawgenetanu toturu.
Geso pgiwakatanru. Gi rixanu Wale
gognetkakanna rayinerutene
mukochireyna."



Yotunotinitka rumkanatinriya, wane rixatka
Gitsrukaachi towreru towtapyawakatkalu.
Rawatkalo ganunro. Gi wa retawalo
tushpakawgenetinpotunanuko
muchinanu toturu.
Giwakatlu Geso.



Wane rixatka walegognekaka. Susa Gakosto
yokanrewata psolchijne gajeneko
gitakgiwakatikolupa.
Walepirana pogiwata.



Satkaka waleko gipokchi ya, rutakgiwakatikolupna
pejnuruneko. Giyagni Kalilchijne gajeru pokchi
Nasare yiyatka Gosi.




Gotchijne kanika. Tawi pokchi ya Wele chinikowaka.
Tawiklopishni wale. Tawnineru. Wa
rutakgiwakatikolupa
Mariyayma rupiratanro.
Kamshirni wala.



Wane rixatka. Wane
rawanatinna
tpoyagkakatkalu togogne
tushpakawgenetinripatka.



Tushpaakakatkalu muchinanu toturu. Mkachrichrata
tpoyitatkalu. Prachine wakane nikjetyawaka
tuklukakatkalu, gi rixanu
maleshayna pagruko pnu
giyakatyachine



Walesretako wanena girukotapratachine, maleka
gwachine, girukotaprayechnotachine.
Goyakalutowreru gapyegitna wanna.
Gitsrukaachi gatajiwnale



yochigyegitna.
Pikpotutna.



Tsru piklu rixna. Ga wa Goyakalutowreru wane chinna,
"Gi mpikanu. Gi rixanu kigleru tokanchi nunkakapgi,
tsru gimuwlupirana, pejnuruneko
yinenupni."



"Tawi pokchi rushpakya xani gixa chinanu
Gognetkaklewatachri. Walenwa Kristo Gitsrukaachi.
Waleko rumatikolupa: Gikshikanru
mturu mkachrichrata



poyitkaluru;
prachine
nikjetyawaka


giklugachri."



Walegnapunanu Goyakalutowreruymatkana
gixolune solalone tengogne gajene.
Goyakalu gimalwutachine.



Wane chinachine: Goyakalu gimalwutkaluru teno potu
Gajeru. Ga wa tyechijne gajene yinenupa
giglewanshinikanrewlu, wa



giglenshinikanutachinenupa.




Wane rixatka. Wanna yegi yiyatkana
Goyakalutowrerune. Tengogne yatkana.
Ga wa girukotapratachine wane
chinkakna, "Wele gayanu xani."



"Wetapanru tyepirana wa giknogachri wa
Gitsrukaachi ginkakjixyawu."
Giyampotu wane yatkana.




Rukshiklona Mariya, ga wa Gosi, ga wa
mturu prachine nikjetyawaka
giklugachritka. Wa retinitkaluna,
pogitatkaluna wa mturupirana, wa
chinikowakna.





Wane rixa. Wetle
Pokchi Gotechijne rushpakini
Geso, wa pogirchi Giroreklu,
kgimatkalerune tkachi
gishpatyawaka sreta runyana.
Gerosale rapokna.





Wane chinna, "¿Ginaklu wa
Goteyone Pogire gishpakachritka?
Gi rixanu tkachi gishpatyawaka
sreta wetyalo katagirite. Wuna
wyoptsojityentapyaplu."



Giyagni Girore
pochkeruko tomgana
wa kgimatkalerune.
Repomsapotutna
tegipgujewnalgognetka
katagiri. Wetle
yokanatna.



Wane china, "Gajewa.
Gepomsapotutanna wa
mturu pirana. Wa
gikshikiniplu
ginkakapanno, gita koxa
yoptsojityentapyaplu."




Pogirchi yijnakotinitkana, yatkana. Waneklu katagiri
wa tkachi gishpatyawaka sreta retinrona,
kosekananumtna, tapokinpotuko;
mturu gwiyawaka ginaple
tutuka. Jiglokapjimtatkana,
retluna mturu runroyegi,
Mariya.



Yoptsojityegitatkaluna. Kotpukatkalona
ponikowatinrina yegi. Ranikyegitatkaluna
genekashlukaka: kori ga wa
pgamlupagiri yochpiikalurupa,
ga wa mirmunga. Yokanatkana
rupnawleya Girore yegi ma
satokinitpatkana,
gichijnena yatkana.
Pagapoko
yapamtatkana.



Yinitkana kgimatkalerune,
Gitsrukaachi towreru
gipgujewnagipnayegitlu Gosi.
Wane chinru, "Palnanutka.
Panikanutkalu mturu ga wa
runro. Pasukanutka.
Gigipto pyanutka. Wane
pwanatanutka wane
nchininpotukyi Gita.
Gi rixanu




Giroremka gijganru mturu
ruylatyaplu."




Yotunotinitka wale, goyecho
ranikatkalu mturu ga wa
runro. Gigipto yatka.
Rupninipotunanuko Girore
wane rawa, poyagkakikolupa
Gitsrukaachi tokanu wa
tokanchi
geneklewatachriya.
Wane china:


Gigipto ntomgiylu Noturu.



Giyagni Girore getnawa
gapnokatkaluru
kgimatkaleruneya,
rumtuwnapotuta. Ruylajixanna
pejnurunniko mturunni Wetle
gwachinni ga wa psolu sretako
wale sreta gwachinni, ...



... Ruylajixanna pejnurunniko
mturunni Wetle gwachinni ga
wa psolu sretako wale sreta
gwachinni, gepi
walapuyegirunni, wanepnute
mturunpotni walegognepotuko
rixa jemletyawakna



kgimatkalerune.





Ga wa rupninatka Girorni,
Gitsrukaachi towreru
gipgujewnagipnayegitatnaklu
Gosi Gigiptoaya. Wane
chinru, "Puyokanutka.

Panikanutkalu mturu
ga wa runro, ga wa
Gisrayilinchijne
pyanutka. Gi rixanu

rupnanatkana mturu
galuka giylaletachinni."





Giyagni Gosi yijnakyegitlu Garchelawo

pogirewatinritka

Goteya, rurni Girorni

kashriglutka, pika

wane yaleta.



Yokangipnatkatka.

Kalilesreta yatka. Wane

yatka.



Pokchi rawatka, Nasare
chinkaluru,
poyagkakikolupa
tokanchi
geneklewatachri




tokanu: Nasare gajeru chinikolupa.



Wane rixa galuklepotutna Goyakalu tye
psolchijne gajeneko, giyagni renekna
satupjerutu Gituru, wa pejnuruneko
ralixjene ma mamginitipa, wa
waneyapna ruwekinrina gike
rixiniko mnikawnakatupa.



36



60



Romanone 3:23 Gi rixanu pejnuruneko mukochirewata. Gi rapkapluna wa royaknu Goyakalu.

Romanone 6:23 Ga wa mukochri wenutikolni wa gipnalpotu, seyini Goyakalu genekashle yoptotachri walenwa giweklu gike rixiniko mnikawnakatupa Kristoya Geso Wutsrukate wixanu.

Gewreyone 9:27 Wane rixa gitakikotna yine pakatapje rupninripna, wanepnute rutakyagokikolupna.

Gigwisone 2:8,9 Gi rixanu gimutlewluya gognetkaaka galixlewlulu chinanu. Tyenwa gi wa gixa ruyakatya. Goyakalu genekashleni wale. Gi wa kamrurchiyini gi satuna ma malixkotinitipnawa.



Romanone 10:9,10 Wa punamaya pupgujtatinri
Gitsrukaachi Geso, wa pajiya palixinri Goyakalu
yotunkaklu gipnachinetskalaya, pognetkaako.
Gi rixanu yineru rajiya ralixya waneyaplu poyagkaklewlu.
Ga wa ginamaya rupgujtalewata rognetskakikolupa.

Gwa 3:16,17 "Wane rixa galuklepotutna Goyakalu tye
psolchijne gajeneko, giyagni renekna satupjerutu Gituru,
wa pejnuruneko ralixjene ma manginitipa, wa waneyapna
ruwekinrina gike rixiniko mnikawnakatupa. Gi rixanu
Goyakalu gi yokanatlu Gituru tyechijne
ruklukanuwnayegjixyapna tye psolchijne gajeneko,
seyeni wa tye psolchijne gajeneko
gognetskakikolupa Wale chinanu."



1 Gwa 5:11-13 Ga wa tyenwa gipgujtalewlu: wa Goyakalu genekyawu wuwekinri gike rixiniko mnikawnakatu, ga wa Giturni wa kgiweekaklewakleru. Goyakalu Wgene waneyalutu waneylu ruwekinri. Ga wa Goyakalu Wgene waneyamigjetu maleshaylu ruwekinri. Tyepirankaka nyonyegitgi wa gixa Goyakalu Wgene giwaka galixachine, wa gimatyaplu waneygi giwekinri gike rixiniko mnikawnakatu.



Matiyo 1-2; Lokasu 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Yine NT (pib) © 2008, Wycliffe Bible Translators, Inc.
All rights reserved.

<https://live.bible.is/bible/PIBWBT/MAT/1>

©2025 Bible for Children, Inc.

www.M1914.org

www.bibleforchildren.org

